

Ina bandischada che obtegn il dretg de burgheis denter ils Romontschs

Autor(en): **Lozza, Alexander**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **29 (1942)**

PDF erstellt am: **25.06.2024**

Persistenter Link: <https://doi.org/10.5169/seals-881994>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ina bandischada

che obtegn il dretg de burgheis denter ils Romontschs

da P. Alexander Lozza O. C.

Enconuschas ti ellas, las siat soras ord il paradis terreste? Ellas ein vegnidas bandischadas ensemen cun Adam ed Eva.

Ussa ein ellas siat parleras, spir scrotas e rubaglias, siat strias, cun la nota d'ina smaledicziun divina sil frunt!

Mo vidavon fuvan ellas siat reginas... Buca siat vezis, mobein siat vertids.

Questas siat passions daventan masculinas, sut in num cumin: ils siat vezis capitals, ni il drag cun siat tgaus.

Strusch silla via, plaيدا scadina dellas siat smaledidas sco il malfideivel administratur digl Evangeli: «Tgei dei pegliar a mauns?... De cavar sun jeu buca buna, ded ir a rugar seturpegel jeu. Jeu sai tgei che jeu fetschel, sinaquei ch' ils carstgauns prendien si mei en lur casas: tentar, carmalar els!»

* * *

L'emprema, la luschezia, ei diabolica; perquei che siu bab ei Lucifer, il grond rebel sur las sferas, che ha sespruau de stuschar Diu giud siu tron.

Ella avdescha in temps a Babilonia, sco impressari d'ina tuor che tonschi tochen tschiel... Pli tard eis ella de casa ad Aten ed a Roma... Ozildi ella sepromenescha tras las alleas dellas capitalas dil vegl e niev mund...

Mo ella ha schendrau dus affons malgarteigai: la vanadad ed il quet. La vanadad, ina paupra de spért, il quet, in galdin scufientau che sbarbuta insolenzas...

Nua ei la secunda, la ranveria, vegnida vi? — Mo pial ed ossa, spir rubaglias, sco ils zuolcs ded in èr, in nas crutsch, pir ch' in falcun: in veritabel spuentegl.

Denter ils Gediis ha ella alzau sias tendas... Mo cura che quei pievel smalediu, nudaus cun la marca de Cain, senza ruaus e senza patria, ei se-spatitschaus dapertut il mund entuorn, eis ella ida cun el. — «Usura» senumna ina crudeivla feglia della ranveria...

Ella ha speculau sur la miseria dils pievels ed ha strunglau quels, sco quei criu survient dil sogn Evangeli!

Mintgaton ein ils pievels strunglai stai si cun fier e fiug ed han fatg sgarscheivla vendetga.

Ditg e liung ha la malschubradad buca bandunau las contradas caudas digl Orient. Ella regia suverana entochen il diluvi. Lez ha mundau il mund

e ragischau ora ils carstgauns dalla tiara, per culpa dil vezi della carn...

Suenter eis ella secasada a Sodoma e Gommorha, entochen ch'igl ei pluiu fiug e zuolper giu da tschiel sur ils pervers marcaus. Pli tard ha ella triumfau ella malmunda heresia de Muhamed, ei vivida els harems, ed ha empermess als pievels della mesaglina in parvis della carn...

Ozildi eis ella daventada pli fina e modernisada.

Leischna, sco la veglia siarp dil paradis, cun ina egliada garmadia e carmalonta, ella paradescha els palazs dellas capitalas. Neginas dellas soras han tons advocats e defensurs sco ella...

Mo ina dellas siat, baul suenter la scatschada ord il paradis, ei stulida: la scuidonza!

Magra, melna, rabiada, vegn ella spert malperina cun las cumpognas de sventira. Ella po buca vertir lur success, gnanc ils pli pigns... Empermalusa e tussegada, ella banduna lur cumpignia, seretila e stulescha. — Nua ha ella encuretga ruaus e segiramein buc' anflau? Forsa che in di ella vegn enzanua neunavon, sche ella ei buca ventschida per haver dau igl uegl...

Grassa, muflida, cun in venter sco ina buot, e cun in tgau sco ina crestatgiet, va palandrond la maltempranza sper lidimès e tureras. Ella ha mazzau dapli che la spada, ha populau las perschuns cun malfatschents, ils spitals cun malsauns, las casas de narradira cun paupers de spért, il mund cun bancruts!

A tuts pievels ella dat tissi; opium, nicotin, alcohol, de tuts numms e grads... Ina plaga della paupra schlatteina humana. Nua ha questa passiun bestiala buca ses stavelis? —

Cheu vegn ella, la stria tschocca, la gretta. Ella sgrezia ils dents, sbava, morda e corna... Nua che quella furia passa, lai ella anavos mo tschiel e tiara e cadavers! Ella regia nua ch'ei maunca cardienttscha ed educaziun morala e civila.

Sulettamein la migeivladad cristiana vegn savens de tener per las cornas quei taur furibund: tut ils auters ein della mort.

Mo ina selai buca disturbar: la marschadetgna! Pli bugen selai ella runar e stuschar... Cura che igl Aunghel ha scatschau ella ord il paradis ed ha smenau cun sia spada de fiug giu pil dies della tardiva, ha ella mo susdau...

Siu sulet quita consista enten discuvierer in plaz, nua ch'ella possi star cul venter a sulegl!

Pli bugen pitir fom, che luvrar. Agl avegnir deien ils sgnups patertgar. Il tschiel ei memia aults, la tiara ei bia pli cumadeivla...

Neginas marveglias, sche la smarschanera enquera contradas tumprivas, sco l' Africa, la Spagna e Neapel, nua ch'ella schai fimond la gronda pipa dil Vesuv...

Suenter esser dis ed onns stulida, vegn la scuidonza puspei neunavon. Siu asil ein las contradas paupras e selvadias.

Nunpudend suppurtar gnanc l' umbriva d'enzatgi che crescha sur siu tgau ora, eis ella s' isolada, en-

curend loghens bunamein ord il mund! Ella ha untgiu tiaras tumprivas, fritgeivlas e rehas, nua che la sora veglia, la luschezia, paradescha... Muntognas e spundas bluttas e nunfritgeivlas, vals stgiras e profundas ein siu refugi.

La nauscha, cun sia fatscha de verdirom, ei se-casada en tiara romontscha, denter il Badus ed il Bernina... Cheu ha ella obteniu il dretg de burgheis!

Nossas caras vischnaucas e vitgs romontschs, che cauman en vals umbrivaunas, ni pendan sco ignivs alv-brins giud spundas suleglivas, cun sisura ina flur blaua de fem, sco ina intschensada; cun lur clavaus che vapureschan gl'aroma dil fein cotg; — nossas caras vischnaucas e vitgs romontschs savessen esser in paradis della pasch, senza la siarp della scuidonza...

Mo la tussegada cudezza in vischin cunter l'auter aschi spert sco l'umbriva d'ina ventira semuossa. Quels che han pauc, cueschan l'in l'auter era buca quei pauc... Ins astga afirmar: la scuidonza ei il vezi dil pievel romontsch.

Mo ella ei in vezi aschi bass e turpegius, che negin vul esser scuidus.

Siat strias, siat vezis, siat malreguladas inclina-zions, in drag cun siat tgaus.